

德助柴薪我管功匠埽瓦燒成再去重訪

又

既悟修仙觸處無煙心清得道苦志常堅

又

修行日用去除憎愛降伏心意應變通解

又

掩非和衆清通日用要全性命俊猿莫動

又

氣清無我妙用真火燒見亘初結成金果

又

多憎傷行多事傷神多欲傷命多迷亂真

又

事少心靈念少無拘明少多愚濁少通書

又

妙道希夷無著無離自然明了賢聖皆知

第三

十八

仙樂集卷之三

仙樂集卷之四

第四

神山無為應緣長生子劉處玄造

詞

上節使同知泊官衆道友并口號

物物心休道眼開 胎仙養就泛瓊盃

自然頭醒陰陽外 跨鶴真昇難再來

江神子

道心不與世心同悟知空物塵容遠理明真

應變自然通憎愛是非俱不染遊福地伴松

峯 鍊成鶴體碧霄中任西東訪蓬官出了

陰陽仙壽永無窮海變松枯真不朽超三界

從仙翁

今日瓊林花正開 十分真樂飲三盃

通運酩酊何方去 蓬島仙鄉去又來

上平西

想百年如一夢幾多時妙希夷只是些兒諸

公肯信日常萬物意無私住行坐卧真平等

應變真慈 崇仙道明仙理通仙妙謝仙師

在靈峯閑採靈芝洞天清隱周天十二坎迎

離三田功滿朝元去却蛇行展

又

到仙園松筠翠牡丹紅樂清歡幾箇人同且

忘世夢轉頭萬事一場空月圓月缺如憂喜

悟愛心慵 真閑好得閑趣通閑妙覺閑通

運卦又識祖明宗許君龐氏了然先到碧霄

中諸公依此崇真道蓬島相逢

又

戀恩親恩生害死難逃氣不來身所荒郊改

頭換面輪回敗骨幾千遭世華非堅如石火

火宅囚牢 任雲水登雲路遊雲外詭雲濤

厭錦衣喜掛麻袍清平道德修完性命隱蓬

茅他年蛻殼朝賢聖名列仙曹

又

想人生老與少似春秋恰幼年却變白頭莫

爭空假無常氣斷卧荒丘大都三萬六千日

多病多愁 崇真道敬真聖明真理了真修

侍二尊至孝全周全家拔宅功成同去到瀛

洲出離生死無來去闕苑清遊

滿庭芳

三十年間幾番寵辱細思往事慵言也曾賺

發曾受

帝王宣今日山村且住他時去高卧雲煙洞
天隱松峯之畔保命是修仙 無愆全道德
自然達理鍊汞烹鉛未功圓行足開對林泉
真樂琴書為伴忘塵世越了熬煎道遠好蛻
形真去昇入大羅天

又

過七修齋庚申餐素禮參旦望行香時時念
道世夢頭然忘三教經書為伴真閑處勝似
食忙迷雲散一輪皓月無缺照無方 從長
明大道暗中積行上達穹蒼傲許龐歸去萬
古名揚未往蓬壺闕苑筠軒坐吟笑潛藏功
成去陰公難喚跨鶴到仙鄉

又

今世榮光前生福行悟來更好真修外歡未
盡念動意多憂清淡平常道樂筠軒坐至理
頻搜真明了碧天瑩淨命耀似新秋 休休
崇道德清廉治政應變全周待功成名遂霞
洞雲遊琴劍仙經為伴蛻形去真上雲頭如
龐許全家拔宅未未住瀛洲許真君全家拔宅居土

全字坐眠
立亡去

又
橫三
梅字

馮曉仙住鉛汞成形罪盡神氣自然靈天明
萬象地淵涌泉平靜恍惚無缺命須停 誠
了了蓬隱勝似華榮若出戶眼界寬青林間
松檜洞深處看經觀分正塵斷碧霄行

又
藏頭
梅字

寸明真靈通慧無量凝清涼華混世人笑似
風狂祖丘劉譚馬消滅萬慮俱忘猿住遁道
德豈肯外昭彰 分清靜妙嬰男托雲路休
忙虛無造化乘結鉛光兀騰騰飄逸馭骨越
了無常袍侶公甘鎮詩挈滿庭芳

又

三載施為十全八九有些未及功圓不曾行
疏所患自然錢也不修齋動眾一麻麥任潤
靈田非外覓無中造化有口妙難言 道傳
明易象倒顛光運天地之先覺無形應物非
端中邊清靜金嬰玉托虛無裏乘結靈鉛六
鍊掛大羅歸去重受
玉皇宣

又

體掛雲衣身如布素應為莫厭清貧道無形
象大悟裏頭真憎愛心無有德俱讚美歸順
良因洪禧至開看法教松竹每為隣 真親
全性命明今達古混世忘塵若依余常善未
免沈淪蓬島仙鄉咫尺蛻形去現出真神碧
霄外大羅天上無缺寶光新

又

萬惡心除千息意泯自然罪病消亡寸靈念
道動靜兩俱忘清志如龐似許任雲水到處
為鄉仙家好茅齋幽閑勝似住高堂 無忙
看古教頌明至理上運三光也不須晝夜數
墨尋行養就真鉛真汞蛻形去天地難量碧
霄外大羅歸去重禮馬丹陽

神光燦

處玄稽首庫使尊官一別又過三年渴仰之
懷路遠未及人專辛酉孟秋仍熱遣來人復
去書傳詢動靜知豐衍職任不久將遷 他
日功成厭世做淵明樂道開伴林泉自在無
拘笑吟洞外松前養就真鉛真汞佳時節功

了三千朝元去現真形獨步雲軒

又

處玄拜上道錄高功日照別後難逢渴仰之
懷甚時得親仙容即辰仲冬辛酉急焚香跪
領開封清河德又行緣闡醮敬信無窮 光
徧十方真了去大羅朝聖昇入高穹體掛雲
裳萬里要到乘風這番出離生滅任往來跨
虎騎龍天地外想古今幾箇真同

又

處玄稽首月帳張唐二公別後思量修怨年
餘。邈聞却住天長常記講師靜位說關西作
醮。豈陽香花引那郝公見道大晒重陽 便
繼處玄亂道醉江月一句寸念難忘踏盡鐵
鞋難覓恍惚靈光自然無中妙有道希夷無
物包藏功成去上大羅天賜玕璫

醉江月

古今販骨想生來死去榮枯多少百載光陰
四序遠不覺形容衰老世偽浮華轉頭如夢
到底成虛矯無生一念念道真明達了 最
好福地清居依山臨水自在剪筇到占得其

歡霞洞隱無事閑看聖教功行周圍完全性
命勝似重修黥鍊成道體別有金書來詔

又

隴西余慮到離陽秦臺空來空去貴府推官
同太守相訪臨歸叮囑壬戌新正欲遊到府
未見先生許處玄重答這裏元宵亦做 四
序執悟三元天官賜福下救陰靈苦生在中
華崇道德世讚名傳千古大照洪禧青詞奏
聖感應應難遇文山作醮白龜蓮觀王祖

又

壽過彭祖更官高一品石崇貴富古往今來
人世事覺了不堪重慮歸去淵明乘舟范蠡
先已超昇去真通道德趁却死沉陰路 雲
步闌苑蓬山仙鄉不夜各有逍遙所過了天
元無上道千載難逢難過石火光陰浮漚生
滅飛走鳥隨兔速修性命暗有賢聖提汝

又

碧軒閒坐頰忘言開了詩書千卷松徑携筇
真念道妙奧天機深遠物外人間京華雲洞
慧眼閑時見有無俱泯哈哈浮生不辯 拔

宅龐許飛昇大羅歸去販骨死生免不夜仙
鄉無苦惱闍苑瑤池清宴海變松枯巨容弗
老世偽真無羨六銖衣掛復去朝元重現

又

厭居人世似孤雲飄逸鶴昇霄漢自在無拘
空外去撒手直超彼岸到處為家琴書為伴
信筆閑吟嘆洞天高卧任他人笑懶慢 夏
近百尺森松水簾響曉飛入龍泉澗渴飲霞
漿仙會處童稚唇歌古誕趕了輪回完全性
命迷者應難趕忘名絕利一任人非人讚

水龍吟

此時辛酉初冬下元望夜逢甘雨麥苗滋長
深根固蒂多歡少慮念道無災禍聖賢佑眾
生無苦遇天元將末群仙慶會功全行朝元
去 別有天宮寶所了真修得昇雲路六銖
衣掛清平福救九玄七祖歸去無生老自然
性明今達古各全家奉道始終莫變管如龐

滿路花

霜林飄赤葉徧地滿黃金寶鴻離塞北足聲

音淵明歸去獨酌樂清吟酌其歡笑高卧
雲山忘塵世偽難侵 頓然覺應物無心道
妙自然深壺中仙景異外休尋四時花放論
古史明今要到乘風去三島十洲蓬萊別有
高岑

行香子

歷徧人間却羨名山洞天清坐聽潺湲萬株
松檜千頃雲煙好伴琴書真念道樂安閑
養就靈鉛命耀光圓行功成蓬島為仙出離
生滅萬古相傳既免輪回六鉢掛去朝元

又

金鼎生光常執真香寶瓶花四序芬芳虛空
賢聖咫尺西方上教三清明三耀悟三星
上古人淳厚實佳祥性通天與道無妨暗行
平等柔勝剛強意似仙真金仙行住仙鄉

山亭柳

退道惠生意亂心生喪命盡食生不畏神明
察日千愁萬過迷生死隨鄼都苦苦盡傍
生 進道清真忘世夢閑看聖教似書生達
理悟修生氣結神靈異自然有霞彩光生寶

鑑碧霄是耀真箇先生

驀山溪

七旬相近正好忘塵世世夢幾時休道德修
勝爭薄利恩山愛海火院鎮燒身聞身健覓
清涼一任迷人毀 閑看三教造化明周易
達理妙通天四相派無憂無喜洞天高卧自
在鍊真丹他年去上青霄始現無為異

又

人間華屨恰似風前燭萬事轉頭空世外隱
仙家清福靈臺霞洞四序不知秋松為伴竹
為隣閑唱無生曲 琴書樂性道用調金木
鍊出九霄身六鉢掛朝元去速未無生老昇
入大羅天任巨海變桑田真與神仙逐

又

人間萬事識破真歸笑見愛與塵情譬無常
般般是了浮漚幻體生滅幾時休忘世夢去
貪爭達道真明曉 微光覺照應變通深妙
命住性通天有自然無窮降耀陽純陰盡蛻
殼免沉淪遊閻苑瑤池
玉帝金書詔

又

玉峯頂上知有四三段壬潤長黃芽便萬斛
珠酬弗換一麻一麥服了自然安修性命體
延年別近雲霞伴 陰陽之外天地難拘管
得道免輪回厭世隱神堂古觀無為功行真
了去朝元六鉢掛現真形三島十洲說

又

紅蓮池畔不讓遊山景開裏却無心身似藕
出泥花靜壺天妙趣別有四時春真應物實
光明今古誰人省 真行道德顯化邪歸正
口應更聲隨只是要寸靈無病貪爭意盡道
眼自然開來世外混京華積行常平等

又

王徐道友今日重相別甚日再相逢到來歲
新秋重歇一年一到百載幾番來且暫坐意
休忙烏兔生還滅 人間寵辱辱似圓光缺
少喜慮多憂想憎愛是非慵說天元將盡奉
勸速修真遊洞府隱松峯無事看莊列
王堂春
道德清平賢者真易化世夢知空幾人放下

厭濁清居周天運爻卦身是行卷到處家
養就圓光碧虛無執把萬里清澄自然懸掛
物外逍遙瀟瀟真脫洒悟者超昇學者麻

又

仙觀靈虛二年來來去破了重修星冠養素
應有真無齋科教萬苦建理忘言清靜居
道釋儒寬道為三教戶外應五常敬謙賢許
四相心無自然樂有餘出了陰陽現巨初

又

踏雲行昔年面識仲冬十有二日經近大原
完清且州外忽聞東南彩霞信筆
遠望東南彩光分明忽然見了瀕州往黥綠
感應仗高真昔年曾有劉高尚 德徧十方
度人無量萬清萬善理明廣他時歸去到達
乘無為道妙無虛妄

又

七十年光五千二萬隄防不測無常限假軀
拋下落黃泉平生應變時間讚 頓覺靈峯
真超彼岸蛻形歸去昇雲漢天元過了去無
來路涉行者人難趕

又

聖道難逢真修易過自然之理明今古死生

販骨幾千遭這青了了無來去 蓬島仙鄉
巨靈無苦朝元路上高真許松枯海變未常
存他年萬祖離陰府

又

子母相逢自然明道出離物殼無生老茅齋
松竹每為鄰清居幽閑仙家好 敬信高明
真歡無惱各人性命修宜早功成行滿免輪
回蛻形跨鶴歸蓬島

又

去歲周其今年重到光陰似箭催人老世空
識破好休心修行下手志宜早 不肯忘情
將來悔懊松峯樂道隨緣飽無中鍊就禾和
鉛汞雲跨鶴歸蓬島

又

兒女金枷愛情玉紐火坑牢獄身如囚迷迷
到了似春蠶疾些出離無中守 晝夜忙忙
烏飛兔走浮漚生滅形難久速修性命免輪
回完全功行蓬瀛友

又

亂性糟漿願神玉液莫迷有有無中竟重接

十二望蓬萊慧眸明處光無極 真樂陶陶
洞天遊歷道靈今古幾人識携雲信步入丹
霄大羅歸去無為職

又

到處為家鶴居無總要行便去雲遊轉陰陽
之外物難拘長安咫尺真非遠 道樂希夷
死生未免巨初一點光如電自然照耀見虛
無命清無缺成修鍊

又

一別三年重遊此地雲卷寂聞忘心意有時
忻則看仙經自然理達真明異 真樂希夷
道華德貴俱捐無有忘憂喜洞天清隱混器
塵塵登雲路先起彼

惜黃花

衆生萬過有天來大覺世夢知空莫爭人我
應變愛憎無競無災禍眼前事頓明識破
敬道修因果顯猿猴緊鎖得自然真慧往行坐
卧達理了仙經物外靈無墮隱洞天古今幾
箇

又

又

天元將盡去年卦盡這世夢免親何時是盡
三寸不來休却變骷髏盡到如斯俗念心盡
道靈真無盡忘機盡覺萬慧千通頓然
明盡外貌似慈癡吟笑風燈盡樂無極任他
物盡

又

大翁出去隨家店住且只似青年混俗龐許
食肉愛生靈飲酒休亂做肯忘貪關論今古

仙家樂處逍遙雲路隱世外修住金鳥隨
免行就訪蓬山功了離塵所就凡形體丹陽
父

青杏兒

九月季秋涼謝尊官重獻霞漿難當厚禮重
重愛世中名利貪爭俗慮身坐心忙 造化
怕無常三十年總教丹陽東萊滿郡無疑妄

天元慶會這番歸去朝現天皇

又

念道玉漿多得真歡大笑呵呵自然醉酌道
遙快依山臨水雲霞洞外竹後高歌 世景
急如投總思山灑灑波波若肯回頭歸真一
仙界

烹鉛鍊汞功成行滿昇入煙羅

又

迷者似河沙想世間學者如麻萬中敬信無
一悟觀今視古浮生瀾夢箇箇都差 達了
莫矜誇訪洞天閑卧煙霞他年歸去方知得

瑤臺閣苑神仙樂處四序仙花

武陵春

遙望烟山山正好瑩瑩正芬芳佳節春溫春
書長最好泛霞漿 酌酌歌歡忘世慮吟笑
勝輕狂來往仙鄉住道鄉過此慶重陽

又

辛酉仲春遊坎上終日坐春園異景奇葩在
目前樹下勝筠軒 世夢知空且放下自在
似真仙美醞開樽會眾賢樂道謝高天

感皇恩

道釋與儒門真過法海易妙陰陽外自然解
全剛至理頓覺無爭派愛五千玄言奧義明
大 微光運轉結成霞蓋霞輝常照體何里
礙松枯石爛亘貌古今具在他年功行滿昇
仙界

又

聖觀號天長星冠雲服養成金玉體真無朽
信知大道自然無中明有世華心不戀遊王
屋 外貪保命隱真居陋亘初無相貌勝豐
厚桑田海變這箇無形堅久暗祝吾
皇德齊天壽

望遠行

今子根苗尚雲水通行步頓覺了希夷微妙
明千古去塵寰歷徧看來都無伴侶世人愛
不愛高真許 達道完性命未免輪回苦隱
福地松峯霞洞自在處待養就金鉛玉汞真
無濁慮六銖掛始應過三清舉

定風波

臨離諸公戒行清動天威應福非輕壬潤瓊
田農盡喜秋成穀田珠長亘苗生 要報天
恩崇道德隨緣知足莫相爭且望焚香齋素
錫無憎意手出語似仙經

又

甘雨及時貴似油今朝歡樂便無愁明夜耕
田野外唱嘖牛動鞭輕打勝餘修 過了天

元難積行一麻一麥寸中收養就姪嬰雲外
去優游命光圓若月新秋

又

月一焚香望日齋持些禁戒自消災甲子庚
申達七記開懷吏神暗察應時來 清靜身
心無病苦願真保命運三台功行周圓何處
去哈哈鸞雲跨鶴去蓬萊

又

癸戶雲封運卦又別開靈竅虎龍交卯上行
來真見西崑高金箭輪線釣瓊鸞 道德清
通明法海萬光澄現九天高造化自然神運
轉難包古今達者列仙曹

望蓬萊

周亭去莊裏又相邀道念常如相見悟天元
覺了死生超萬業頓明消 洪禧至寶鑑顯
彰昭三界十方明徹了倒顛水向火中燒得
道未逍遙

又

近中壽意望百年期萬事轉頭都一夢兩般
罪福緊相隨念道聖賢知 性命達今古世

間稀了了不生真不滅自然結就坎和離休
覓上天梯

又

清河喜道錄是高功已在道門三十載秦臺
辛酉又相逢順化善緣從 他年去昇入大
羅中體掛六銖朝至聖這回求佳九陽宮要
到便乘風

又

會首到太守便相邀請至藏春堂裏坐恁時
早晚旦清朝真福道能消 欲近飛速去似
風飄道士靈虛分一半小師同到應焚燒賢
聖在丹霄

又

形如鶴性耀似孤雲自在空中無量礙來來
去去意無塵世外樂天真 大成拜三教理
超群結就丹陽蓬島去仙鄉別有洞天春道
象古今新

又

修行好應化學齋科旦望焚香參禮聖書開
夜靜眾吟哦智慧性明多 無為理萬法弗

能過外行內功真了了鍊成鉛汞出紫雲得
道免閻羅

仙樂集卷之四